

che Guagni Picon è venuto a dolersi non aver in campo il grado ch'el merita, et si vol partir al tuto; sichè vedeno le cosse dil campo in confusione; supplichano si provedi di danari.

Fo, subito leto le letere, fato seurtinio di tre savii dil Consejo in luogo di sier Antonio Grimani procurator, sier Antonio Trun procurator, sier Alvixe da Molin, che compieno. Et rimase sier Andrea Griti procurator, fo savio dil Consejo, 109, sier Zorzi Corner cavalier, procurator, 106, sier Marco Bolani procurator, fo savio dil Consejo, 96, ma non poté intrar per esser de una procuratia con sier Andrea Griti; li altri non passò. Soto, sier Zacaria Dolfin, fo savio dil Consejo, 73, sier Nicolò Michiel dottor, cavalier, procurator, 84, sier Zorzi Emo, fo savio dil Consejo, 85, sier Polo Capelo cavalier, fo savio dil Consejo, sier Francesco Foscari, fo savio dil Consejo, in tutto numero 19, con altri tolli senza titolo. Et poi electi tre savii di tera ferma in luogo di sier Lorenzo Capelo, sier Nicolò Bernardo e sier Alvixe Pixani, che compieno, sier Piero Trun, fo savio a tera ferma, 99, sier Gasparo Malipiero, fo savio a terra ferma, 99, sier Marco Minio, fo avogador di comun, di sier Bortolamio, 90, 84 di no. Poi sier Hironimo da Pexaro, fo a Trevixo, e sier Nicolò Michiel dottor, è di Pregadi, 76 per uno. Tolti do con titolo: sier Antonio Condolmer et sier Sebastian Justinian el cavalier, e sier Alvixe Gradenigo, fo Cao di X. Poi fo fato uno altro savio dil Consejo in loco di quello non passoe, sier Zorzi Emo, fo savio dil Consejo, 99, sier Zacaria Dolfin, fo savio dil Consejo, 95; tolli numero 8 et non più.

Fu fato eletion di provedador a Peschiera in luogo di sier Andrea Bondimier, refudoe, sier Alvixe Baffo el XL criminal qu. sier Mafio; il seurtinio e li tolli sarà posto qui avanti. Fo chiamato sier Andrea Dandolo el XL, che rimase castelan a Peschiera, e dimandato dal Principe s'il volea andar; rispose de si et partiria doman da sera; *tamen* non andò.

Di Fiorenza, fo leto una letera di X di la Balia, data a dì 20, drizata al Bibiena loro orator qui. Avisa prima, de l'intrar, a dì 16, di note in Zenoa domino Otavian di Campo Fregoso, et li Adorni, che dominavano, esser fuziti; et zercha spagnoli che

216*

Eleto provedador a Peschiera.

Sier Sebastian Querini el XL criminal,
di sier Carlo 49.106

Sier Piero Gradenigo el XL criminal, di sier Andrea	70. 87
Sier Zuan Francesco Bragadin, fo Cao di XL qu. sier Bernardo	40.119
Sier Marco Zigogna el XL criminal, di sier Francesco	55.105
† Sier Alvixe Baffo el XL criminal, qu. sier Mafio	98. 60
Sier Vincenzo Zantani, fo Cao di XL, di sier Zuanne	68. 92
Sier Domenego Pizamano provedador a Bassan, qu. sier Marco	63. 97
Sier Marco Miani, fo XL zivil, qu. sier Anzolo	41.118
Sier Piero Moro el XL criminal, qu. sier Bortolamio	69. 86
Sier Vincenzo Magno, fo XL zivil, qu. sier Piero	38.109
Sier Alvixe Balbi, fo camerlengo a Corfù, qu. sier Marco	48.110
Sier Francesco Corner, el XL zivil, qu. sier Zorzi	80. 83
Sier Piero Gradenigo, fo a la doana di mar, di sier Cabriel	37.118
Sier Zuan Alvise Dolfin, fo XL zivil, qu. sier Andrea	41.115
Sier Zuan Nadal, fo XL zivil, qu. sier Bernardo	44.116
Sier Andrea Contarini, fo provedador a Pordenon, qu. sier Marco	62. 92
Sier Hironimo Querini, fo 40, qu. sier Jacomo	35.119
Sier Simon Malipiero qu. sier Domene- go, fo podestà a Este	49.106
Sier Hironimo Avogaro, fo al conflitto di Brexa, qu. sier Bortolamio	37.122
Sier Michiel Baxadona, fo XL zivil, qu. sier Francesco	71. 86

A dì 26, domenega. Da matina, domente la Signoria aldiva la differentia di quelli di Budua con li Pastrovichii intervenendo il condur di vini di Pastrovichii a vender in la terra, per la qual cossa è molti vechii Budoani qui e Pastrovichii, et fo terminà non se innovasse altro et metesse i so' vini a San Stefano,

Vene l'orator yspano conte di Chariati, dicendo, et mostrò letere dil vicerè date a Lodi, a dì 22, che subito el si dovesse trasferir fin li, perchè volea consultar et esser insieme un poco con lui, e tolesse licentia di partirsi da la Illustrissima Signoria nostra.